

րէլի էր աւելի փառաւոր ու շքեղ կատարել, կուտուրական աւելի մեծ ձևանարկութիւններով ասպարէզ գալ սակայն ինչ որ կարողացաւ հայոց ազգը այս խոսն ու անորոշ օրերին հասնելս բերել, այդ ևս բաւական էր զգալու և ստանելու, որ Մեսրոպի ներական աւանգը կենդանի է ու վառ նրաներկայ սերնդի մէջ և որ հայ ազգի այն երջանիկ զաւակները, որոնք այսօր բախտաւոր են հնարաւորութիւն ունենալով օգուտելու Մեսրոպի սրբական դիւտեց, ամեն ճիշդ ու շնորհ գործ են դնելու պահելու, տարածելու և ընդհանրացնելու հայ գիրը ժողովրդի բոլոր խաւերում:

Ինչպէս յայտնի է, այդ մտքի իրականացման համար հանդէս եկաւ համազգային զգրոցական ֆոնդը, որի օգնութեամբ զգրոցներ պէտք է բացուին մեր հայրենիքի հեռաւոր վայրերում ու խուչ անկիւններում, ինչպէս և եղած զգրոցներն աւելի պէտք է բարեկարգուին:

Այդ ֆոնդի համար բաւականին փող հաւաքւած է. դժբախտաբար մինչև օրս յայտնի չէ, թէ ինչքան եւ այս առողբերև նպատակն է շնչտել, որ անհրաժեշտ է այժմ և եթէ, առանց ուշացնելու հասարակութեան տաջ զնիլ հաւաքւած փողի հաշիւը, «Արարատ»-ի պաշտօնական տեղեկութիւնից յայտնի է, որ օգոստոսի 30-ին դիւանից գրւած է Ռուսաստանի թեմակալ առաջտեղներին, որ իրենց թեմերում հաւաքւած փողերը ուղարկեն կամ ուղարկել տան հիմնողին: Մեզ յայտնի չէ, թէ երեք ամսայ ընթացքում ինչ չափով է կատարւած այդ պատւերը, սակայն շատ տեսակէտներով անհրաժեշտ է անմիջապէս, առանց յապաղելու ստացած փողերի պաշտօնական հաշիւը տալ և շտապածներին մասին էլ նեղարկական կարգադրութիւն անել, որ այսքան երկար ժամանակ հասարակական փողերը ամառաւոր մարդկանց մօտ չպահուեն, այդ բոլորը պէտք է լինի ներկատուններին միաժամացնելու և միւսներին քաշալեղելու համար: Դրա հետ միաժամանակ նոյնքան և աւելի կարևոր է զգրոցական ֆոնդը ամբողջ հիմքերի վրայ դնելու համար նրա կազմակերպութեան գործը ձևաւորել: Յորեկանական օրերին յատուկ խօսք եղաւ այդ մասին, բայց յայտնի չէ, թէ ամառաւոր խորհրդակցութիւններն ինչ եզրակացութեան յանգան:

Մեր յորեկանը տօնող խաբարանչիւր հայի սրտին անշուշտ մօտ է հայ գիրն ու զգրոցը. և այդ յորեկանի առթիւ առաջ եկած հայ գրի ու զգրո-

ցի տպահովութեան գործը ցանկալի է, որ իրօք ամբողջ ու հաստատուն հիմքերի վրայ գրէր և հասարակութիւնն իրազեկ լինէր զգրոցական ֆոնդի վիճակին, բովանդակութեանը և կազմակերպութեանը:

Գեորգ Այլ . . .

ՆՆՐՔԻՆ ՏԵՍՈՒԹԻՒՆ

ՄԵՆ ԵՌՔԵԼԵԱՆԻՑ ԵՅՏՈՅ

Համազգային յորեկանի մեծ օրերն անցան. հայ հասարակութիւնը իր բոլոր հատածներով տօնեց այդ պատկառելի յորեկանը, որ ամեն իրաւունքով կարող է համազգային կոչելու: Ուրախով էր տեսնել, թէ ինչպէս հայ միտքն ու զգացումը ասպարէզ էր իջել տօնելու մեր նախնիքների մեծ գործը, 1500 տարուց յետոյ մի յետադարձ հայեացք ձգելու հայ գրի և գրականութեան բախտերի վրայ, հետեւելու հայ ազգի զարաւոր առապանքին, տեսնելու նրա մղած պայքարը և գալիք օրերի համար օրինակ վերցնելու անցեալ սերունդների անընկճելի եռանդն ու յամառ դիմադրութիւնը:

Անշուշտ մեր կուտուրական կեանքի 1500 տարւայ այդ մեծ յորեկանը կա-